



Inatsisartunut ilaasortaq
Jens Napātōk', Naleraq

21-05-2025
Sags nr 2025-10470.
Akt. id. 25365670

Postboks 260
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

§ 37 naapertorlugu apeqqummut nr. 27-2025-mut meeqqanik sulisitsisarnermut inatsisinut tunngatillugu akissuteqaat

Asasara Jens Napātōk',

Inatsisartut suleriaasianni § 37, imm. 1 naapertorlugu Nunatsinni meeqqanik sulisitsisarneq pillugu inatsisinut tunngatillugu Naalakkersuisunut apeqqutinik nassiussivutit.

Apeqqut 1: Nunatsinni meeqqat sulisinnaanerat qanoq killilersugaallunilu illersugaava? a) 13 ataallugit taamatullu 13-15-inut ukiullit 15-17-illu killilersugaanerata qanoq ippat qanorlu sulisinnaanerulernissaat aqutissiorniarlugu oqilisarneqarsinnaappat? b) Inatsisit suut allangortissappat meeqqat inuusuttuaqqallu assigiingitsunik agguataarneqarlutik sulisinnaanerat periaffissarsiussappat?

Akissut:

1. Suliassa qarfik suli tiguneqanngilaq aamma sullivinnik avatangiisit pillugit suliassa qarfirmut atavog.

Meeqqanik sulisitsisarneq pillugu killilersuineq Kalaallit Nunaanni Inuusuttut sulisarnerat pillugu Nalunaarut nr. 1347, 15. december 2005-imeersumi inatsiseqarpoq aalajangersarneqarlunilu. Nalunaarut atuutilersinneqarpoq Kalaallit Nunaanni sullivinnik avatangiisit pillugit Inatsit nr. 295, 4. juni 1986-imeersoq kingusinnerusukkut allannguutai ilanngullugit.

Tamatuma saniatigut Kalaallit Nunaat ILO-mik isumaqatigiissutinut, C138, "Konventionen om mindstealder for adgang til beskæftigelse" (suliffeqarnissamut ukioritit minnerpaaffissaat pillugu isumaqatigiissummut); aamma ILO C182, "Konventionen om værste former for børnearbejde" (meeqqanik sulisitsisarnerit ajornerpaat pillugit isumaqatigiissummut) ilaatinneqarpoq.

- Qulaani taaneqartunut inuusuttunut 18-it inorlugit ukiulinnut tamanut, sulisitsisumut sulisartunut suliap suunera apeqqutaatinnagu, immikkut ittunik malittarisassa qarpoq.
- Immikkut ittunik malittarisassat kingunerivaat inuusuttunik 18-it inorlugit ukiulinnik atorfinitsitsinermi inuusuttumut tunngatillugu suliamik suliagarnerani pilersaarusiornikkut, aaqqissuussinikkut naammassineranilu immikkut eqqarsaatigineqassasut: ukiui, peqqissuseq, timikkut tarnikkullu inerikkiartorneq kiisalu atuarsimanera ilinniarsimaneralu.



Malittarisassat taakkua inuusuttut peqqissusaannik ajoqusiinissamut imaluunniit atuarnissaannik akornusersuinissamut illersortussaavaat, aamma qanorluunniit ilusilerlugu atorfinitsitsinermi inerisimanerata eqqarsaatigineqarnissaat qulakkiissallugu.

a) Ukiorititatut killiliussanut assigiinngitsunut inatsisit nalunaarutillu:

- Meeqqat 13-it inorlugit ukiullit sulisinneqassanngillat. Qinnuteqarnerup kingorna meeqqat 13-it inorlugit ukiullit piorsarsimassutsikkut aaqqissuussani assigisaaniluunniit peqataanissaat pillugu politiit akuersissuteqarsinnaapput.
- Inuusuttut 13-inik ukioqalereertut, aamma atuartussaataitanermik ilaatinneqartut sulinermik oqinnerusumik, Kalaallit Nunaanni inuusuttut sulisarnerat pillugu nalunaarummi ilanngussaq 7-mi 8-milu takuneqarsinnaasutut, taamaallaat sulisinneqarsinnaapput.
- 15-17-inik ukiullit atuartussaataitanngitsut sulisinneqarsinnaapput, taamaattoq Kalaallit Nunaanni inuusuttut sulinerat pillugu nalunaarut malillugu saneqqutsinerit ilanngullugit.

b) Kalaallit Nunaanni inuusuttut sulinissaannut periarfissat allannguuteqassappata, Kalaallit Nunaannut Sullivinnik Avatangiisit pillugit Inatsimmik kiisalu Kalaallit Nunaanni inuusuttut sulinerat pillugu nalunaarummik atuuttunik allannguinermik pisariaqartitsivoq. Inatsisit taakkua marluk suliffeqarnermut inuusuttut pisinnaanerannut aalajangersaanermut inatsisiliornikkut tunngaviupput, aamma taakkua ukiui, peqqissusaat atuarneralu eqqarsaatigalugit sulinerup ingerlanissaa qulakkeerlugu.

Malittarisassani taakkunani allannguutit tamarmik minnerpaamik suliffeqarnissamut ukiorititat minnerpaaffissaat pillugu ILO-p isumaqatigiissutaa nr. 138-mi kiisalu meeqqanik sulisitsinerit ajornerpaat pillugit ILO-p isumaqatigiissutaa nr. C182-mi aalajangersakkat eqquutitinneqassapput. Isumaqatigiissutit taakkua inuusuttut qaqugu sulilissanersut pillugit nunat tamat akornanni pitsaassutsinik aalajangersaapput, aamma inuusuttut sulinermut ajoqusiinnaasumut, timikkut tarnikkulluunniit ineriartortanerannut, peqqissusaannut ilinniartitaanermulluunniit akornusiinissamut, illersorlugit.

Tamanna isumaqarpoq Kalaallit Nunaanni inuusuttut sulinissaannut periarfissanik allannguisoqarnissat naalakkersuinikkut suliarmulluunniit atatillugu kissaateqartoqaraluarpuunniit, allannguutigerusutat taakkua nunat tamat akornanni pisussaaffinnut, Danmarkimut taamaallillunilu aamma Kalaallit Nunaannut pituttuisunut, naapertuuttariaqarput.

Apeqqutit 2 aamma 3: Inuiaqatigiinnut qanoq akeqassava taamatut aaqqiiniarnissaq aammalu qulaajaasoqassappat inatsisip allanngortinnissaanut tamanna qanoq akeqassava? Naalakkersuisut inatsisiliussappata tamanna inuiaqatigiinnut qanoq akeqassava? Aammalu pisortanut qanoq naleqqassava?

Akissut:

Erseqqissartariaqarpoq, Kalaallit Nunaanni sullivinnik avatangiisit pillugit akisussaaffik Danmarkimi Suliffeqartitsinissamut Ministereqarfimmut atammat, suliassaqarfimmi suli tiguneqanngilaq. Tamatuma kinguneraa, Kalaallit Nunaanni inuusuttut sulinerannut tunngasumik nutaamik inatsisiliorneq, naalagaaffeqatigiinnerup inatsisiliornikkut piginnaasaqarfiata ilaatut, Suliffeqartitsinissamut Ministereqarfimmit suliarineqassammat akuerineqassallunilu.

Kalaallit Nunaata sullivinnik avatangiisit pillugit suliassaqarfimmut akisussaaffik tiguniarlugu toqqarpagu, aningaasaqarnikkut allaffissornikkullu annertuumik arlalinnillu aningaasartuuteqarfiussaaq. Sullivinnik avatangiisit pillugit oqartussanik nammieertitanik, pilersitsinissaq pisariaqartinneqassaaq, nakkutilliinermut misissuinerimullu atuuffeqartunik, tassunga ilanngullugit sulisussanik attuumassuteqartunik atorfinitsitsineq ilinniagaqartitsinerlu kiisalu allaffissornikkut aaqqissuussanik attaveqaaseersuutinillu ineriartortitsineq. Tamatuma saniatigut nutaanik inatsisiliortoqassaaq, nunatsinni pissutsinik nunallu tamat akornanni



pisussaaffinnik eqquutitsisunik, tassunga ilanngullugit Kalaallit Nunaata tungaaniit
atorunnaarsitsisoqarsimanngippat ILO-p isumaqatigiissutaanik.

Akisussaaffimmik tiguserup aamma pisariaqartippaa piginnaasanik inerisaanermut aaqqissuussinermullu
annertuumik aningaasaliissuteqarneq, minnerunngitsumillu nakkutilliinermut misissuinernullu atatillugu
Kalaallit Nunaata inissisimanera pissutigalugu unammilligassat. Naggataasumik allaffissorneq,
malittarisassanik nutarsaaneq aamma danskit nunallu tamat akornanni suleqatigiinneq pillugit
ingerlatsinermut ingerlaavartumik aningaasartuuteqassaaq.

Inussiarnersumik inuulluaqqusillunga



Bentiaaraq Ottosen

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Nunatsinni meeqqat sulisinnaanerat qanoq killilersugaallunilu illersugaava?
 - a. 13 ataallugit taamatullu 13-15-inut ukiullit 15-17-illu killilersugaaner at qanoq ippat qanorlu sulisinnaanerulernissaat aqutissiorniartlugu oqilisarneqarsinnaappat?
 - b. Inatsisit suut allangortissappat meeqqat inuusuttuaqqallu assigiingitsunik agguataarneqarlutik sulisinnaanerat periaffissarsiussappat?
2. Inuiaqatigiinnut qanoq akeqassava taamatut aaqqiiniarnissaq aammalu qulaajaasoqassappat inatsisip allangortinnissaanut tamanna qanoq akeqassava?
3. Naalakkersuisut inatsisiliussappata tamanna inuiaqatigiinnut qanoq akeqassava? Aammalu pisortanut qanoq naleqqassava?

(Inatsisartunut ilaasortaq Jens NapātôK', Naleraq)

Tunngavilersuutit:

Kalaallit Nunatsinni 1970-ikkunni 1980-ikkunnilu meeraalluta sulisarsimaqaagut, angerlarsimaffimmut imertartarluta aammalu aamarsuarnik pisiniarluta assartuillutalu. Suliassat assigiingitsorpassuarnut peqataasarsimanitta saniatigut qulit sinnilaaginnarlugit ukioqalernitsinniit sulisarsimavugut piniaqataasarlutalu, tamannalu misilittagarpassuarnik ilikkagarpassuarnillu aallaaveqarluni perorsaataasarsimaqaaq, taamatut kivitseqataanissamut ilinniartiaarneqarsimaneq. Maannakkut assaat amigaatigaagut aammalu inuusuttuarartagut periaffissarsiornissaat illersugaaner at innarlinngikkaluarlugu sulisinnaalernissaanut aqutissiortariaqarneq pisariaqartutut isikkoqarpoq perorsaataallunilu ilikkarfiusussat eqqarsaatigalugit.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Nutserinermi paatsuungasoqassatillugu kalaallisut allassimasoq aallaavigineqassaaq.